

SAKSPAPIR

Saksnr	Utval	Type	Dato
055/22	Formannskapet	PS	09.06.2022
	Heradsstyret	PS	

Saksbehandlar	ArkivsakID
Hege Eeg	21/3055

Handsaming av krav om erstatning

Vedlegg:

Vevleivtveit forliksavtale
Krav om erstatning som følge av ugyldig vedtak 15.11.21
Vedlegg til søksmålsvarsel
Kommunen sitt svar på søksmålsvarsel 19.11.21
Vevleivtveit - Svar frå kommunen 11.2.22

Rådmannen sitt framlegg til vedtak:

Rådmannen tilrår å inngå avtale om forlik.

Formannskapet - 055/22

FS - behandling:

AVRØYSTING:

Rådmannen sitt framlegg vert samrøystes vedteke

FS - vedtak:

Rådmannen tilrår å inngå avtale om forlik.

Saksopplysningar:

Saksopplysningar:

Bakgrunn

Kommunen blei dømt til å betale erstatning til Fotlandsvåg Entreprenørforretning (FM) i lagmannsrettsdom 12.03.2021. I forlenginga av dette oppheva Statsforvaltaren i Vestland vedtak om stans av verksemda og tvangsmulkt. Som følgje av dette, oppheva kommunen sitt vedtak om retting. Sistnemnte gjaldt masseuttak utover det regulerte området. Kommunen mottok krav om erstatning som følgje av ugyldig forvaltningsvedtak og varsel om søksmål 15.11.21. FM tok ned vegen han nytta for masseuttak og krev erstatning for bygging av ny veg for. Kommunen har svart på dette kravet og meiner at dette kravet er rettskraftig avgjort i lagmannsretten, men har og andre innvendingar.

Det har vore synfaring på staden med partane. Det har vore forhandlingar mellom partane. Kommunen har bistand av advokat i saka. Det er eit felles ønskje om minneleg løysing for å unngå ny rettssak og det føreligg ein avtale. Det er eit krav om at denne skal godkjennast av formannskapet og

heradsstyret for å vere gyldig.

Avtalen går i korte trekk ut på at partane er einige om utbetaling av kr. 500.000 til FM som endeleg oppgjer i denne saka og ein normalisering av tilhøvet mellom kommunen og FM/Roger Hartveit.

Vurdering

Sjølv om kommunen meiner kravet er rettskraftig avgjort, viser rettspraksis at retten i slike saker vurderer dette konkret og skjønsmessig. Dette betyr at det føreligg ein prosessrisiko for kommunen om FM stemner kommunen for retten. Risikoen for tap gjeld begge partar. For kommunen gjeld dette mogleg dom for erstatning og sakskostnadar. I tillegg viser erfaringa at ei rettssak vil krevje utstrakt bruk av interne ressursar i ein administrasjon med knappe ressursar.

Det er ei rekke føremoner ved å inngå ei minneleg avtale.

- Unngår risiko for å tape ein rettssak
- Sparar advokathonorar og eigne ressursar til oppfølging.
- Avtalen avsluttar alle krav som følgje av steinknuseverket/masseuttak.
- Kommunen vert ferdig med saka og kan normalisere tilhøvet til FM/Roger Hartveit.

Konklusjon

Rådmannen tilrår å inngå forlik for å unngå å bruke meir ressursar på saka. Utfallet av ei rettsleg handsaming er usikker.